



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Odluka
o radnom vremenu u organima Grada Sarajeva
(Prijedlog)

Predlagač: Gradonačelnica
Obrađivač: Stručna služba
gradonačelnice Grada Sarajeva

Sarajevo, decembar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 13. stav 1. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09), člana 48. Zakona o državnoj službi u Kantonu Sarajevo („Službene novine Kantona Sarajevo“, br. 31/16 i 45/19), člana 48. Zakona o namještenicima u organima državne službe u Federaciji Bosne i Hercegovine („Službene novine Federacije BiH“, broj 49/05), člana 35. i člana 44. Zakona o radu („Službene novine Federacije BiH“, br. 26/16 i 89/18) i člana 26. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Gradsko vijeće Grada Sarajeva na __. sjednici održanoj __. __. 2021. godine, donijelo je

(Prijedlog)

Odluku o radnom vremenu u organima Grada Sarajeva

Član 1.

(Predmet)

Ovom odlukom utvrđuje se radno vrijeme i raspored radnog vremena u gradskim službama za upravu, stručnim službama Grada Sarajeva i Pravobranilaštvu Grada Sarajeva (u daljnjem tekstu: službe i organi), kao i za druga lica angažovana na radu u Gradu Sarajevo.

Član 2.

(Puno radno vrijeme)

Puno radno vrijeme službi i organa Grada Sarajeva raspoređuje se u pet (5) radnih dana i traje 40 sati sedmično.

Član 3.

(Dnevno radno vrijeme)

- (1) Dnevno radno vrijeme utvrđuje se kao klizno rado vrijeme sa početkom radnog vremena od 7:30 do 8:30 sati i završetkom radnog vremena od 16:00 do 17:00.
- (2) Dnevno radno vrijeme utvrđuje se u trajanju od osam (8) sati.

Član 4.

(Odmor u toku radnog vremena)

- (1) Državni službenici i namještenici u službama i organima Grada Sarajeva iz člana 1. ove odluke imaju pravo na odmor u toku radnog vremena u trajanju od 30 minuta, u periodu od 12:00 do 12:30 sati.
- (2) Licima iz stava 1. ovog člana, na njihov zahtjev, omogućit će se dnevni odmor u trajanju od jednog sata za jedan dan u toku radne sedmice.
- (3) Vrijeme iz stava (1) i stava (2) ovog člana ne uračunava se u radno vrijeme.

Član 5.

(Evidencija prisustva na poslu)

- (1) Evidencija prisustva na poslu u službama i organima Grada Sarajeva vršit će se u skladu sa odredbama Pravilnika o sadržaju i načinu vođenja evidencija o radnicima i drugim licima angažovanim na radu („Službene novine Federacije BiH“, broj 92/16).
- (2) Način evidentiranja prisustva na poslu, izlasci u službene i privatne svrhe, preraspodjela radnog vremena (u slučajevima njene potrebe), kao i druga slična pitanja, regulisat će se posebnim aktom gradonačelnice Grada Sarajeva u skladu sa članom 75. i 76. Statuta Grada Sarajeva.

Član 6.

(Prestanak važenja)

Stupanjem na snagu ove odluke prestaje da važi Odluka o radnom vremenu i rasporedu radnog vremena u organima Grada Sarajeva („Službene novine Kantona Sarajevo“, broj 24/05).

Član 7.

(Stupanje na snagu)

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA
Jasmin Ademović**

Broj:
Sarajevo,

OBRAZLOŽENJE

PRAVNI OSNOV

Pravni osnov za donošenje odluke sadržan je u članu 13. stav 1. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09), kojim je propisano da je u jedinicama lokalne samouprave organ odlučivanja Gradsko vijeće u Gradu, a Općinsko vijeće u općinama.

Pravni osnov sadržan je i u članu 48. Zakona o državnoj službi u Kantonu Sarajevo („Službene novine Kantona Sarajevo“, br. 31/16 i 45/19), kojim je propisano da se na državne službenike primjenjuje Zakon o radu, drugi zakoni i kolektivni ugovori kojima se uređuju prava i obaveze iz radnih odnosa, dok je članom 48. Zakona o namještenicima u organima državne službe u Federaciji BiH („Službene novine Federacije BiH“, broj 49/05) propisano da radno vrijeme namještenika u organima državne službe iznosi 40 sati u sedmici raspoređenih na najmanje pet radnih dana, dok je raspored radnog vremena namještenika isti kao radno vrijeme državnih službenika u organima državne službe.

Za donošenje ovog akta pravni osnov je i član 35. i član 44. Zakona o radu („Službene novine Federacije BiH“, br. 26/16 i 89/18), kojima je regulisano radno vrijeme, odmori i odsustva, kao i član 26. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), kojim je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA

Odluka o radnom vremenu i rasporedu radnog vremena u organima Grada Sarajeva donesena je krajem 2005. godine, a nakon njenog donošenja i stupanja na snagu donesen je određen broj zakona i propisa te je donošenje nove odluke i njeno usklađivanje sa propisima više pravne snage neophodno. Iako su oblasti radnog vremena, trajanja radnog vremena, prisustva na poslu i druga slična pitanja regulisani aktima koji su na snazi i kojima se omogućava funkcionisanje gradskih službi i organa po ovom pitanju, neophodno je ovu oblast regulisati na način kako je ovim prijedlogom Odluke i propisano, dok će nakon stupanja na snagu ovog akta, gradonačelnica Grada Sarajeva donijeti provedbeni akt kojim će detaljnije biti razrađeno pitanje prisustva na poslu, službenih i privatnih izlazaka, poštivanja odredbi Etičkog kodeksa u pogledu prisustva na poslu, i drugo.

OBRAZLOŽENJE PREDLOŽENIH RJEŠENJA

Član 1. – reguliše predmet Odluke.

Član 2. – reguliše pitanje punog radnog vremena koje traje 40 radnih sati sedmično i raspoređuje se u pet (5) radnih dana.

Član 3. – reguliše trajanje dnevnog radnog vremena (klizno radno vrijeme) koje traje 8 sati.

Član 4. – reguliše odmor u toku radnog vremena (pauzu) u trajanju od 30 minuta, s tim što će se, u skladu sa zakonom i ovom odlukom, omogućiti trajanje pauze u vremenu od jednog sata, i to jednom u toku sedmice, a ovaj odmor se ne uračunava u radno vrijeme.

Član 5. – reguliše obavezu evidentiranja prisustva na poslu u skladu sa odredbama Pravilnika o sadržaju i načinu vođenja evidencija o radnicima i drugim licima angažovanim na radu („Službene novine Federacije BiH“, broj 92/16), kao i činjenicu da će ova i druga slična pitanja (službeni i privatni izlasci, obaveza poštivanja radnog vremena) posebnim aktom regulisati gradonačelnica Grada Sarajeva.

Član 6. – reguliše prestanak važenja važeće Odluke.

Član 7. - reguliše momenat stupanja na snagu ove Odluke.

FINANSIJSKA SREDSTVA

Za realizaciju ove odluke nisu potrebna dodatna finansijska sredstva.